

密陽朴氏糾正公派世德編卷之上

序
丁卯

蓋譜也者普其言也普故其傳也久其文也遠遠故上承祖先下及苗裔其名行事蹟纖悉無餘而親睦之誼由是而敦孝悌之道以此而生譜係於倫常風化之界亦云大矣竊念修譜收族尊本親親余嘗有志而但性拙才下莫之遂矣族人前教官性立素以豪傑之士嘗從事于沃川遠德祠創設之役在外七年不歸粗成廟制繼述朴氏世鑑二編廣佈宗族習知得姓原因及各派來歷又於其間廣詢宗族修吾糾正公派譜未滿三載而功告訖其經略蓋爲遠德祠然也秉彝其性孰不諾從性立亦云國無典古之文則不可以勸俗立教家無稽古之書則不可以敦族後輯成一帙之書同譜刊行今此世德編是也然則向所謂普言久文遠之者非豈以余以桑榆

晚景知死不遠而取人爲善亦余志也於是役與陽圖魯景從互往互來已有時月之久而且感僉族勤勞之誠故略述其槩如此云爾
丁卯季秋后孫永圭謹序

舊譜序

庚申

吾密陽姓譜散失於壬辰兵燹密昌府院君與姓親前監察安行共加聞見互相叅證撰此世系不閱月而書成豈非吾門之一大幸也余適叨湖西節府院君以家譜送之曰書成造次雖或有疎漏處與其待詳而遲曷若速成之爲愈願謀所以廣其傳遂倩工而鈐于梓印出若干本開卷寓目內外雲仍瞭然可考親親敦睦之義其必興起於斯而振振之美可期無窮後人之繼此續成深有所望焉萬曆紀元之四十八年五月嘉善大夫公洪道觀察使朴鼎賢謹識
我先君常謂人無氏譜則雖稱爲士大夫之家或有不知其系之

所自出況可責其親親婣睦之義於後生乎吾家舊有譜因亂見失
久矣繼而編成庸非後死者之責乎遂慨然自任掇拾舊聞叅以國
乘隨考隨錄而尙多闕漏之歎適於天啓庚申門中通議遂得入
梓門長判書鼎賢時按湖西實主剗剗之役印佈頗廣而歲月旣久
後姓繁衍振振之盛不啻倍蓰而考諸前牒太半不載觀者病焉於
是乎先君銳意續成益加聞見對族人則輒開卷而質焉在遠外者
必通書而問焉磨以歲月始克成書往日之闕漏者庶幾詳悉而後
生之不載前牒者班班可考然後乃以手寫一通付諸不肖兄弟曰
他日刊行責在汝等汝等其勉之不肖等受命以來相與勗勵惟恐
先志之或孤不幸兄今棄背獨此身在耳追念昔日言惟在耳而官
微力綿久未遂願痛結胸中食息不忘茲者出佐湖南棠幕則適觀
蔡使李公秦淵刊行其先集之餘聞不肖言而感之遂乃捐俸而資

焉俾得及時繼刊日不多閱工告訖功茲豈非大幸歟先君勤苦之志不肖平生之願庶幾得伸於今日而今日之事實有不期然而然者則其亦有數存乎其間歟抑所謂待其時而行者歟李公之名亦載譜中則親親姍睦之誼同無間於內外而斯役之就實藉於公凡我後來子姓盍於是加勉哉歲壬寅暮春上浣不肖男承健謹識

吾家世譜有萬曆庚申及崇禎壬寅二本而尙多遺漏況自壬寅迄至于今已八十餘年矣子姓之蕃衍不啻千億而厥後不復繼刊豈非後孫之責耶丁酉年間先叔父東溪公有意續成通議于諸宗收聚譜牒仍舊譜入錄未及繕寫不幸下世痛恨靡極乃於辛酉秋更復發通而第在京之人甚小在鄉之家頗多未能一齊修送且曾漏舊譜之派聞風來集鎮日堆積逐派添錄未易就緒今纔出草貫得活字印出若干件實由於財力不逮未得廣布旋即毀掇後難

追印殊甚欠缺然此本之刊行得成於久遠廢墜之後倉卒經紀之
餘亦可幸也此後諸宗中如有得藉官力而更付剗剟氏則豈不大
善也哉壬戌春後孫長潤謹跋

丁卯譜世德編後叙

氏族之有譜猶國家之史乘也得姓以來盛衰興敗之跡昭然可鑑而敬祖愛族之誼亦由是而生焉者則其所關不重且大歟竊惟我糾正公派密陽朴氏之最著大族也碩德名流間世出焉顯赫青邱其崑勳偉業不可不講也其講維何非譜不能故義谷公諱鼎賢始

修庚申之譜星隱公

諱承健

繼修壬寅之譜掌令公

諱長

潤亦修壬戌

之譜而其後繼承修譜然至若派譜別譜則不可殫算而余亦以糾

正公后一個孫裔嘗從事于沃川遠德祠之役交涉宗族有年所矣

族人大田性浩聞慶準鳳亦以譜事囑余不已乃於乙丑之五月日

發文廣佈不晷年多方入單殆至二百餘其家門也於是不辭魯下

之質秉筆照校緝成十九之冊蓋依原稿刪正者也余何敢毫介於

其間哉然但有譜而不有參考其書則是不過爲自好其先而亦未

盡於博愛廣感也余於此不顧疎妄編輯世德一編是書也亦可以
博考傍覽而后裔之興感大矣豈非吾派之一部要鑑耶且付任錄
于編末以表同苦而以門地興望統涉遠近治理大要則族大父永
圭族叔用和族兄魯敬氏是也裹足跋涉不憚勞汗操管含墨專精
內勤終始不怠則性浩龍圭東信準鳳炳夏性卓性本白圭昌圭秉
仁徹淳是也然則有其人有其事者不亦相符於今日耶
新羅紀元一千九百八十四年丁卯菊秋下澣后孫性立識